



DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA,
QUOD LIBETARIIS DISPUTATIONIBUS,
*manè discutienda, in Scholis Medicorum, die Jovis vigesima mensis
Februarii, anno Domini M. DCC. LXVI.*

M. LUDOVICO-HIERONYMO COSNIER,
Doctore Medico, Præsides.

An inter Apostemata, pauca ferro sunt aperienda?

I.



OMINEM, dùm vivit, non solum intùs cruciari mille morbis, sed & extrà, affectibus numero penè infinitis deturpari, nil mireris. Tumoribus omnis generis, omnis speciei, miserè obnoxia humana cutis. Pro diversâ affluente materiâ, aut excretâ aut propulsâ, diversâ tumorum aut indoles aut natura. Ubi cumquè (vi morbi) naturalem cutis superficiem attollere cepit appulsus humor quicumque; tunc moles ista, tumor audit. Singulos sanguinis humores, seor-

sim modò, modò conjunctim sub cute latitantes incuneari, congeri, imò vasis ruptis inibi expandi, putrefieri, nec novum nec infrequens. Humor quisque, seu devius à suâ sede solummodò, seu simul à suâ naturali crasi degener, sub aliquâ cutis parte gliscens, concretescensvè, tubere se manifestum facit. Propriâ quodammodo formâ, tumor quivis venit conspiciendus. Ab humoris vitio aut situ, plerumquè nomen habet. Tumor omnis, aut sui fert resolutionem, si modò per vasa iter de novo petere humori datum sit; aut ablationem sui exposcit, si peregrinus humor resorberi à vasis, & sanguinis fluento denudò misceri nequeat. In priore casu resolventibus medicamentis, externis interioribusvè, aut naturâ solâ, curatio perficitur: in altero, arte opus est; hæc ars, Chirurgica est. At ne credas Chirurgiam, igne & ferro semper torquere membra. Quod naturam turbat vexatque, procùl amovere, Chirurgi opus est. Quod natura sola tutò & per se sanare potest, illi relinquendum; & si quo indiget adjumento, est in suppellectile Pharmaceuticâ, undè adjuvetur.

I I.

AΠΟΣΤΗΜΑ tumorem dicito rotundum, tactui, ipsisque oculis obvium. Calorem habet individuum comitem; colorem quoquè plus minus in ambitu rubeum, prout cuti vicinior aut ab ipsâ remotior, cuius attendenti exhibet. Ardore continuo, & in dies magis ac magis crescente, ægrum cruciat non sine dolore nunc pungente, nunc lancinante. Urget, invalescitque dolor ille ad maturationis usque tempora; eâ peractâ, mitescunt omnia, tactuque mollius percipitur apostema, sensimque & in dies pleniori mollitie, tangenti se offert contractandum. Tunc Chirurgi ad opus se accingunt, ferrum festinanter arripiunt; sed heu, quàm insausito sæpè eventu! Rationem queris? naturæ parùm auscultatur, ad ejus leges parùm attenditur, nec satis curæ est perpendere, quo ritu omnia sua munia obeat, quibus impedimentis agendo interpelletur, quâ virtute, omne noxium corrigere, à partibus nobilioribus in partes ignobiliores rejicere aut prorsus foras eliminare satagat; quàm multiplici viâ se liberet ab iis quæ suam æconomiam turbare valent, quâ sagacitate fracta erigatur. Ea succos in apostema nocivos abigit, congestos digerit, concoquit, maturat. Vulnerum quîn & eadem una medicatrix. Quid igitur Chirurgus in utrorumque curatione? Naturæ minister; ferendo nempe subsidium nutui ejus & voto, ministrum se præbet ad ipsius mentem; nihil agendo ubi nihil agendum; secando ubi secandum innuit; amovendo ferrum & instrumenti genus omne, statim ac & quotiescumque vetat admoventum.

I I I.

IN plerisque igitur apostematum, natura per se sola, totum opus perficit, digerit materiam, eidem exitum præbet, sordes detergit, sarcosim promovet, cicatricem obducit. Refragaris? vade ad Plebeios, vel quos res angustæ domi, vel quos fœdamentorum pavor, ab omnibus præsidiiis arcet; en mie, inquiet, eorum unusquisque, sanatum vides absque Chirurgiæ ope. Nec tibi moveat admirationem talis sanatio; ferrum, naturæ inimicum: in apostematibus expurgandis, detergendis, & ad cicatricem perducendis moram facit & impedimentum. Abscessus omnis, discussionis spe omni elapsâ, solam maturationem tractanti relinquit promovendam, suppurationem vocant. Colliquatio quædam est hæc suppuratio, seu partis rubræ sanguinis in colorem albam immutatio, commixtæ prius (digestione quâdam) cum seroso-lymphaticâ sanguinis parte; laudabilis erit & salutifera, si materia hinc enata, albam se offerat & æqualem;

absque fetore. Hanc promove citius, urge pro viribus; periculum enim in morâ. Cui quod viciniôr erit puris copia, eò felicior exitus futurus; imò, ut in partem veniat ipsa cutis, enixè labora; cutis præcipuè pars magis declivis; ea sola putrefacta, materiâ purulentâ exitum parabit. Nec te moveat apertura parcius; seu à naturâ solâ, seu maturantium ope facta. Integrâ purulentâ materiâ forâs amandabit sola loci declivitas. Salvâ reliquâ cutis parte apostema tubergente, abscessûs interiora tuta sunt ab aëris injuriâ. Vulneri omni, insensibilissimus aër; fermentationis omnis extraneâ, corruptionis putredinisque parens ille. Apostemati circumstrata cutis, emplastrum naturâ amicûm. Detergio puris, naturâ opus est. Carnis nova generatio ex solo naturâ sensu. Cicatricem, ejecto pure quis format nisi natura? Quis pulchriorem perfecit unquàm? Ne igitur, ferri ope, in apostematis omnibus indiscriminatim, patentiorem viam aëri facias, nec erubescas aëri bonis rebus magis consulere, quàm legi heu! nimium receptâ, jam dudum antiquandâ.

I V.

LANCEOLA, instrumentum anceps, à quo vita aut mors; prudentis ideò Medici regenda consilio, periti tractanda manu Chirurghi. Tumorem omnem perpende accersitus. Situm, naturam, characterem explora apostematis, & causam; nec satis est, ætatem, sexum, temperamentum habere diligenter perspecta; nec non totius massæ sanguinæ crasim præsentem, imminentiâve. Ex eâ probè cognitâ, quid agendum sit, quid non, intelliges. Tunc omnibus indiscriminatim apostematis ferrum admove re religio erit. Faciei, collo, temporibus & mammis parce; at imprimis fave sexui, & infantili ætati aut juvenili; sexui, venustatis gratiâ; ætati teneræ, ob succorum eucrasiam; horum succi, rariùs degeneres à suâ crâsi, solâ sæpiùs peccant luxuriâ; suppurationem patiuntur dulcem, simplicem, innocuam, cujus exitum natura parat sola, sâvente fibrarum mollietie. Exitus puri semel paratus, etsi parciôr, sanatio est. Exitum, si tardior, accelera obtegendo partem rupturæ propiorem. Obtege humidis, qualia sunt succi herbacei, aut soli aut fermento mixti, aut melle, aut omnibus simul; non spernenda liliorum bulbosa radix & capæ coctæ priùs, aut inter cineres, aut in aquâ ebulliente, cum micâ secalinâ panis commixtâ & applicatâ; his humescunt fibræ cutis foris ut intûs, citiùsque putrescunt, solutioni sic promptiores evadunt. Non absimili virtute pollent emplâstra plurima aut unguenta, ut emplastrum divinum, aut diachylon verum cum gummi, emplastrum de meliloto, aliæque ejus energiæ quàm plurima. Deterfionem si fortè requirât sordium illuvies, tunc hordei decoctio tantilla, omne ferat fermè punctum, iteratis vicibus per fistulam injecta. Temperamento sanguineis promptior faciliorque suppuratio. Ætas provectior aut senilior, durior, stridiorque præ se fert fibrarum texturam, soluti difficiliorem. Emollientia jam enarrata scopum pertingunt oleosis commixta & diutius usurpata. Hâc methodo naturâ amicâ, plerisque apostematibus medelam afferes, ferrique incommoda vitabis.

V.

ERGO, inquires, nullum apostema, sectione curandum? Absit. Nonnunquàm sectio salutaris, imò necessaria. At faciliùs, addes, sectione factâ tractaretur, sanaretur tutius. Utrumque negat ratio. Experientia refragatur. Sectio, multa secum invehit mala; secantur pretiosa plurima cujuscumque generis vasa, aliâs non rumpenda; hinc succorum copiosior expansio pedissequa; hinc suppuratio abundantior futura. Grave aliud secum importat incom-

modum sectio facta apostematis; suppurantium formidanda series pressio pede sequitur; hæc fundunt, liquant plus æquo; imò, pervertunt frequentius ipsam puris laudabilis texturam naturalem; è dulci acrem, ex insipida acidam fecit, aut alio quovis vitio contaminavit non raro suppurantium dira libido, aut ordo perversus. In sarcosi promovenda, errores quàmplurimi; alii, gradu præcipiti nimis, in eam ruunt, dum nimia morâ eidem invigilant alii. Nonnunquam sarcosis sit inæqualis; fungosa sæpè & flaccida; nec firma satis rubraque & optimè cornea. En ubi vocantur in auxilium caustica; en lapidis *infernalis* triumphus: at quàm salutaris eorum usus? quàm benè tunc cum ægro egeretur, si ea intus, plus damni, quàm doloris forinsecus non afferrent? Absit tamen ut interdicator sectio in apostemate profundius sito, ubi cutis nec affici nec putrescere poterit simul cum apostemate; & ubi metus erit ne serpat materia subius contenta, modò sinuosum ulcus, fistulosum modò aut cancrosum formatura. Secare licet in omni tumore apostemate maligno; in carbunculo aut anthrace, si urgeat præsentia periculi. Seca quodcumque apostema sphacelo aut gangrænâ stipatum, ni citò utrumque decur discutere efficaci aliquo pharmaco & tuto. In omnium apostematum amplà & quotidianâ multitudine quàm pauca hujusce naturæ se offerant curanda, praxis evincit.

Ergò inter Apostemata, pauca ferro sunt aperienda.

DOMINI DOCTORES DISPUTATURI.

M. Emundus - Thomas
MOREAU,

M. Petrus-Ludovicus-Maria
MALOET, Con-
siliarius Medicus Regis Or-
dinarius in supremo Sen-
atu Parisensi designa-
tus.

M. Exuperius - Josephus
BERTIN, Supremi Va-
lachia & Moldavia Prin-
cipis Medicus, Antiquus
Regis Exercituum & Cas-
trorum Medicus prima-
rius, necnon è Regiâ Scien-
tiarum Academiâ.

M. Joannes-Baptista THU-
RANT.

M. Alexander - Dionysius
DIENERT.

M. Carolus DIONIS.

M. Ludovicus-Petrus-Felix-
Renatus LE THIEVILLIER,
Regis Consiliarius & in
Majori-Consilio, necnon
in magnâ Regiâ Domus
& Franciæ Præfecturâ
Medicus Ordinarius,

M. Carolus GEILLE DE
SAINT-LEGER, apud
Gallicos ex Extraneos
Equites Medicus Regis
Ordinarius,

M. Gedeon DE RABOURS.

Proponerebat Parisiis ANDREAS-BLASIUS PELÉE DE VALONCOUR, Se-
nionicus, Regiæ Societatis Agrariæ Parisiensis Socius, Saluberrimæ Facultatis
Medicinæ Parisiensis Baccalaureus. A. R. S. H. 1766.

A SEXTA AD MERIDIEM.

Typis QUILLAU, Universitatis & Facultatis Medicinæ Typographi. 1766.